



A METAT, D'O CAMÍN

enta un nuevo país

RUTA

Noviembre de 2018

Nº1

Edición:

pa la chent

Pre: una riseta

PODEMOS.

Alcuerdo presupuestario pa amillorar a vida d'a chent

Unius Podemos ranca un important paquet de medidas sociales
a o Gubierno d'o PSOE



Pablo Iglesias y Pedro Sánchez zarran l'alcuerdo pa os presupuestos de 2019. Foto: Dani Gago

Una d'as conseqüencies d'a moción de censura ha estau a posibilidat de ensayar una colaboración gubernamental a «a portuguesa» entre a viella socialdemocracia y qui esfienden, sin meyas tintas, acabar con os privilechios fiscals d'as grans corporacions y d'as grans fortunas pa blindar os dreitos sociales y as condicions materiales de vida d'a immensa mayoría.

L'alcuerdo entre Pedro Sánchez y Pablo Iglesias ha sorprendiu a muitos analistas por o suyo calado, encara que Unius Podemos plantió

una fuella de rota mas ambiciosa y todas dos partes habieron de reblar pa aconseguir un punto meyo.

«Quan Pablo Iglesias sía president d'o Gubierno, podremos desplegar de verdat as nuestras propuestas. Somos satisfeitos con l'alcuerdo porque va a amillorar a vida de millons de personas, pero lo veyemos como un paso inter-meyo. De bell modo, somos en a metat d'o camín que leva enta ixo nuevo país mas chusto que queremos construir», afirman dende Unius Podemos.

D'o 15M a o 8M, en taxi y surfeando as mareyas de pensionistas


Mobilizacions historicas pa
reclamar chusticia y dreitos

En os zagüers meses, a chent movilizada en as carreras d'Es-panya, que luita por os dreitos de totz y todas, ha dau una lición ta o país en negar —con o suyo cuerpo y a suya voz— o cinismo y a resignación que venden os partius d'o «no se puede pas», os suyos aliados mediaticos y os suyos chefes de l'IBEX 35: as historicas mobilizacions feministas d'o 8M y contra a sentencia machista d'a Manada, os taxis en vada pa esfender un servicio publico devant d'os vueitres con siede en paraísos fiscals, os y as pensionistas manifestando-se terne que terne en a puerta d'o Congreso y emplindo cada semana as carreras de Bilbao..., pero tamién as kellys, as espartanas de Coca-cola en Luita, os treballadors y treballadoras de Vestas, d'a Naval, d'os estibadores, y tantos y tantos colectivos que peleyen por o que ye chusto.

«Sin a fuerza de toda ixa chent que mai no perdió a esperanza, nusatros y nusatras no seríanos en o Congreso, ni habríanos puesto chitar a o PP ni rancar o que hemos rancau a o Gubierno d'o PSOE», explican dende Podemos. «Ye a ells y a ellas a qui cal dar-les as gracias y pedir-les que sigan empentando. Encara somos en a metat d'o camín y nos tornarán a decir que no se puede pas».

O salario minimo, de 735 a 900 euros: a mayor puyada d'a democracia

Una medida que ha sorprendiu a totz



Ye posible que a medida mas sorprendent de l'aluerdo (y d'as de mayor aconsiga) s'ia a puyada d'o Salario Minimo Interprofe-

sional (SMI) que Unius Podemos aconseguí rancar a o PSOE dimpués de largas horas de negociación en as qualas o Gubierno de Pedro Sánchez esfendeba puyadas muito menors.

Finalment, se podió aconseguir una puyada historica d'o 22% que no solament amillorará a vida de millons de treballadors y treballadoras precarizados (en a suya mayoría, mullers), sino que tamién reactivará o consumo (y, con ell, a economía) y permitirá recaudar milars de millons d'euros extra pa la hucha d'as pensions que o PP deixó tremolando. Amás, permitirá explicar a personas como que Susana Díaz a qué s'oposó a militancia de Podemos quan votó «no» a l'aluerdo Rivera-Sánchez, pus en aquell documento d'aluerdo —redactado por economistas neoliberales— a propuesta de puyada d'o SMI yera d'un miserable 1% (ye decir, de siet insultans euros mes).

O Partiu Popular a la oposición y M. Rajoy a Santa Pola

A la fin sí daban os numeros



M. Rajoy abandona o hemiciclo dimpués de triunfar a moción de censura. Foto: Dani Gago

En chunyo de 2017, Unius Podemos esfendió a moción de censura d'a dignidat contra un tal M. Rajoy y un Partiu Popular empapaus de corrupción. Manimenos as decenas de casos de saqueo y parasitación d'o publico, a moción no salió entadevant y entre un anyo entero se repitió sin aturar que «no i heba numeros pa chitar a o PP d'a Moncloa».

Manimenos, a exitosa moción de censura d'o pasau mes de chunyo, que convirtió en president d'o Gubierno a Pedro Sánchez, contrimostró que Podemos teneba razón y sí se podeba.

Debant d'una bancada socialista que pareixeba no creer-se-lo, os deputaus y deputadas d'Unius Podemos celebroron a moción coreando o «sí se puede». Se meteba fin a siet anyos de foscó y retalles, y se feba a devantadera a etapa de mayor influencia d'a formación que naixió en as plazas dende que pateara o tablero politico en as eslecions europeas de 2014.